

Počinjemo od početka, što je prva dobra vijest u 2013.

Kad god imamo nešto važno za obaviti, najznačajnije je da znamo otkuda početi i kad ćemo završiti taj posao.

Posao koji nas očekuje u 2013. godini nije nimalo lak. Očekuje nas mnogo toga (nadamo se lijepog) za obaviti. Moramo uraditi jedan važan zadatak koji će, nadamo se, donijeti mnogo važnih informacija o tržištu na kojem radimo i živimo. Očekuje nas popis stanovništva pa za nas koji razmišljamo i djelujemo progresivno i pozitivno, koji planiramo i analiziramo, taj popis će donijeti puno toga korisnog. *“Bezuslovno možemo jedino vjerovati u Boga, za sve ostalo potrebne su brojke”*, neko je jednom rekao. Koliko ima stanovnika u državi i u pojedinoj regiji, kakva je struktura po spolu, godištu, obrazovanju... sve su to pitanja na koja nema pouzdanog odgovora, a svi znamo koliko su te informacije bitne za naš posao. Imamo li dovoljno znanja i pameti kao društvo da od takvih informacija dobijemo dobre osnove da pokrenemo točak progressa, mi na to pitanje ne možemo dati odgovor, ali da smo odlučni i dalje gurati u pravom smjeru, u to budite sigurni! Ono što je važno i što nam u ovoj godini stvara, već na startu, dobar osjećaj da ćemo uspjeti, jeste to što znamo odakle počinjemo te gdje i kad završavamo. Počeli smo od 01. januara i završit



ćemo 31. decembra, a za ostalo ćemo vidjeti.

Ono što ranije niste čuli od nas, sigurno nećete čuti ni ove godine. Mi ne govorimo o neuspjesima jer vjerujemo u vas koji uspijevate sve ove godine da radite i trajete, bez obzira koliko je situacija na tržištu teška.